

**SINLAI -3**  
**BANG THUKHUN NUIAI A KHRISTIANTE OM?**

**Thumapi:** Tampi ngaihdan in Laisiangthou pen Pathian in mihingte zuih dia a thukhun ahieh ziaik in miteng adi'n chiklaipeuh in a zat theih vek chih ahi. Himahleh Paul in "Thutak thu khen dik" a poimoh dan a gen hi (2 Tim. 2:15). Jesu'n tatna nna hong sem a, Dan lui a hihbukim nung Khristian Hun kichi kum 2,000 phial a paita. Hiai hun in khovel tawp tan a huam ding chih leh, Pate Hun a thupiak Dan Hun in a kizang kei a, Dan Hun a thupiak leng Khristian Hun in a kizang kei chih leng i zilta uhi.

Huaiziakin, Thukhun Lui a Adam, Noa, Abraham, Mosi leh Jakob-te kiang ah Thukhun Thak Hun a a phuut baptisma tang di'n a phuut kei a; Khristian Hun a mite kiang ah Khristian hihna di'n Thukhun Lui a a phuut zeksum hiam, haalmang kithoihna hiam leng a phuut sam kei hi.

**I. MOSI DAN NUIAI A KHRISTIANTE OM LOU**

Laisiangthou ah Dan lui hihmang ahi dia, Dan thak piak ahi ding chih mun tamtak ah i mu hi.

**A. DAN LUI LEH DAN THAK GENTEHNA**

1. "Kuama'n puan lui puan thak in a thuap ngei kei; thuap mah le uh a kaikek ding" (Luka 5:36). Huchi mahbang in Dan lui leh Dan thak zat khawm theih ahi kei.
2. "Kuama'n uain thak savunthawl lui ah a thun ngei kei; thunta him le uh leng uain thak in savun thawlte a phukek ding" (Luka 5: 37). Huaiziakin Dan thak tuh hun thak a zat ding ahi.

**B. DAN LUI LEH DAN THAK GENTEHNA**

1. A pasal a hin lai teng zi tuh midang toh a kiteng thei kei. Himahleh a sih in bel huai dan a kipan khahkhiak ahi a, midang nei lelung angkawm ahi kei. Huchi mahbang in Mosi Dan a kipan khristiante khahkhiak ahi (Rome 7:1-6)
2. Dan lui apan noplenna Dan ah - 2 Korinthte bung 3 ah, Korinth Saptuamte tuh "Pathian hing kha a lungtang a gelh 'lai' " ahi ua, suangpek a gelh (Mosi Dan laak) ahi kei uh (Tang 3). Paul leh a seppihte Kha nasem ahi ua, Lai thugelh (Dan lui) nasem ahi kei uh. Dan in a hihlum a, Kha in bel a hihhing hi (Tang 6). Sihna nasepna, suang a gelh thupina Israel-te'n a en ngam kei uh. Sihna lai bawn a thupi leh, Hinna lai (Thukhun Thak) a thupizaw sem hi (Tang 7-10). Toupa lam a ngat Chiang un huai khuhna tuh lakmang ahita ding.
3. Dan lui tuh Abraham sikhanu Hagar leh a ta in a genteh a, Sara leh a ta tuh Khristian leh Thukhun Thak toh a genteh hi (Gal. 4: 21-30).
4. Juda le Jentel kideidanna om nawn lou; kideidanna banglai a hihchimta (Eph. 2:11-19). Dan lui tuh khros a kilhlum in a lakheta (Kol. 2:14). Huchiin, Thukhun Lui a kizang nek-le-dawn, kuut, kha thak leh khawlnei (sabbath) tan thu ah kuama'n hon mohpaih nawn kei uhen (Kol. 2:17).

**C. SIAMPU THUPI ZAW - DAN THUPI ZAW**

1. Pathian in Mosi zang in Levi chite siampu di'n a bawl a, himahleh Thukhun Thak ah Jesu tuh siampu lian in a bawlta hi. Thukhun Lui dante tuh alim lel ahi (Kol. 2:14-17). Siampu hihna khek ahieh taak ziaik in Dan leng khek a ngaita (Heb. 7:12). Huaiziakin Mosi Dan tuh zat theih ahita kei (Heb.7:18-19).

2. Jesu Khris vaihawmna/siamputna tuh nasep hoihazaw sem chih ahi (Heb. 8:6). Aziak nih tuh:
  - (a) Thukhun hoihazaw a vaihawm ahih ziak
  - (b) Thuchiam hoihazaw a ki-nga ahih ziak
3. “Anihna (Thukhun Thak) a tunding theihna ding in amasa pen (Thukhun Lui) a lamangta hi” (Heb. 10:9)

## **II. BAPTISPA JOHAN THUGEN LEH JOHAN BAP-TISMA KHRISTIANTE ADING HILOU:**

Johan tuh Dan hun bei kuan Khristian Hun kipat ma a hong piang in nna a sem hi. Amah ziak in miteng in Khris a gin theihna ding ua huai Vak theisaktu dia sawl ahi. Amah bel Vak ahi kei (Johan 1:6-8). Khristian Hun thupitak hong tung ding mite theisiamsak masa dia sawl ahi. Johan hong pai ding thu zawlnei Isai (40:3-5) leh Malaki (3:1 & 4:5-6) in a na genkhol uhi. Hiaite genkholhna bang a a tangtunna Tanchinhoihte ah i mu. Amah pen Jesu sang a kha guk a upazaw ahi.

### **A. JOHAN THUGEN A THUPI KHENKHATTE:**

1. Kisikna (Matthai 3:2-11)
2. Van apan a hong pai pa ding tuh bangkim tung a ahi (Johan 3:31)
3. Khris ka hi kei (Johan 1:19-20; 3:28)
4. Amah sang a Khris thupizaw (Matthai 3:11)
5. Jesu Pathian tapa ahi (Johan 1:29-34)
6. Jesu'n Khasiangthou leh mei in hon baptis ding (Matthai 3:11)
7. Jesu gingtate'n tangtawn hinna nei ding (Johan 3:36)
8. Kisik un, van' gam/Pathian' gam/Saptuam a naita (Matthai 3:2)

### **B. BAPTISPA JOHAN NASEP**

1. Jesu theihpihtu ahi (Johan 1:6-8,15).
2. Kisikna baptis in mi a baptis zel (Matthai 3:5-6,11)
3. Khris' lalgam hong tung ding a tangkoupah (Mark 1:1-3)
4. Khris ading a lampi bawlkholh (Luke 1:16-17; Mark 1:1-3)

**Etsakna:** Jesu Khris in a sihna, vui a a omna leh a thohnawna chiinna a baptisma (Rome 6:3-4) Khristian Hun a zang nuam ahihmanin baptisma kichi bang hi hiam chih mite'n a theihiam pah theihna ding un Johan in kisikna baptisma in mi a na baptis (tuiphum) zel hi (Luka 3:2-7, Johan 3:23). Ahihhangin Johan baptisma leh Khris baptisma tuiphum tuak himahleh a thiltup (purpose) a kibang kei. Johan baptisma tuh anung a hong pai ding Jesu Khris a gintak theihna ding ua kisikna baptisma ahi (Marka 1:4-5).

Jesu Khris baptisma ahihleh mi'n a gintak zoh Chiang a khelhna ngaihdamna, khelhna silsiangna ding leh Khasiangthou tanna ding ahi (Nasepte 2:38; 22:16). Ahun a tuam dungzui a Pathian deihdan a tuam ziak in Johan baptisma tangsate'n leng Thukhun Thak Hun ah Khris baptisma a tan uh a ngai hi (Nasepte 19:1-5)

## **III. HUAPTUAM-NEI THUPIAK (LIMITED COMMISSION) NUI AH KHRISTIANTE OMLOU**

**A. JESU KHROS A A SIH MA IN A NUNGZUIE KIANG AH THUPIAK NIHVEI A PIA.**

Huaite tuh Khristian Hun kipat ma ahi a, Khristiante adia zat hilou; a zangtu ding leh a zat sung ding leng bikhiahsa a a piak ahih ziak in “Huaptuam-nei thupiak” i chi hi.

1. Akhatna tuh nungzui 12-te kiang a thupiak ahi a, Matthai 10; Marka 6:7-13 leh Luka 9:1-3 ah i mu hi.
2. Anihna tuh nungzui 70-te kiang a a piak ahi a, Luka 10:1-20 ah i mu hi.

**B. SAWM-LE-NIHTE SAWLKHIAKNA:**

1. Jesu'n a nungzui 12-te, dawi-ninte hawlke ding leh damlouhna chiteng hihdam ding in thuneihna a pia (Matthai 10:1).
2. Hiai a thilhihtheihna piak a omte nungzui 12-te kia ahi ua, a thugen ding uh leng Pathian in a theisak tawm zel hi (Matthai 10:19-20). Hichi bang thilhihtheihna nei dingte amin uh a gen chitchiat ziak in midang kiang a piak ahih louh dan a chiang mahmah hi. (Matthai 10:2-4). Mi tampi'n hiai thil lamdang hihtheihna mi teng kiang a piak sa in, tuni a zat tum pawl bang a om uhi.
3. Amaute huaptan-nei a sawl ahi uh.
  - a) Jentelte lam a pai louh ding (Matthai 10:5).
  - b) Samari mite khua a lut louh ding (Matthai 10:5). c) Israel nam, belum mangte kiang kia a pai ding.
  - d) A paina peuh ua Pathian' gam, Van' gam a naita chih gen zel ding (Matthai 10:7).

**C. NUNGZUI 12-TE BAN AH JESU'N HUAPTUAM-NEI THUPIAK GEN DING IN NUNGZUI 70-TE SAWLKHE NAWN HI (Luka 10:1-20).**

Amaute 2 zel in a sawlkhia a, Jesu paina ding khuate a na pha masa zel uhi. Damlou hihdamtheihna a nei ua, amaute kiang ah Pathian gam (Khristian Hun) a naita chih a hilh zel uh. A sawlkhiak ding a Jesu thuhilhna: lampi a kuamah chibaibuk louh ding, a tunnate piak peuh nek zel ding, damloute sudam ding chih leh dangka-ip khawng, kawlzal khawng, khedap khawng tawi louh ding chihte tuni a Laisiangthou taang khat va sim zual a, khristiante ading i sak tampite nungzui 12-te leh hiai 70-te ading kia a piak tampi om hi. Thupiak Lian (Jesu a sih nung a a piak Thukhun Thak) kizat ma a mite na sinsak-kholtute ahi uh. Hiai atunglam a i gensate tengteng khristiante ading ahi kha nai kei chih i theih ding ahi. Tu'n khovel pumpi adia thupiak tuh Khristian Hun a kizang lel pen i suita ding uh.

**IV. THUPIAK THUPI (GREAT COMMANDMENT) NUAI A KHRISTIANTE OM**

I sin touh zel na ah Pate Hun, Mosi Dan Hun, Johan hun leh Huaptuam-nei thupiak nuai a khristiante omlou ahih dan i theichianta hi. Tu'n khristiante thupiak thupi khovel pumpi adia khovel tawp tanpha zat dia a thupiak nuai a om i hih dan i sui ding uh. Hiai hun Penticost ni A.D. 33 a kipan ahi. Jesu'n a thohnawn nung a khovel pumpi hotdamna ding a a piak ahih ziak in “Thupiak Thupi” a kichi hi.

**A. THUPIAK THUPI**

1. Jesu si a, vui a om a, a thohnawn nung in “Lei leh van a thuneihna tengteng ka kiang a piak ah ta” achi hi (Matthai 28:18)
2. “Huaiziakin, kuan unla, nam chih apan nungzuite bawl unla, Pa leh Tapa leh Khasiangthou min in baptis unla, thu kon piak tengteng pom ding in thu hilh un.

Huan, ngai un, kei khantawn in, khovel tawp pha in leng na kiang uah ka om zel ding” achi hi (Matthai 28:19-20)

3. “Khovel teng ah pai unla, thilsiam tengteng kiang ah Tanchinhoih hilh un. A gingta a baptisma tang tuh hotdam in a om ding ua; a gingta lou tuh siamlouh tang in a om ding uh” (Marka 16:15-16)
4. “Hichi bang a gelh ahi, Khris in gim a thuak ding a, ni thum ni in misi lak a kipan a thounawn ding a, amah min in kisikna thu leh khelh ngaihdamna thu Jerusalem khua apat in nam chih kiang ah hilh ahi ding, chiin; huai thil tengteng a theihpihte na hi uh. Huan, ngai in, ka Pa thilchiam na tung uah ka hon sawl ding a, himahleh tunglam apan thilhihtheihna a silhsak a na om masiah uh khopi ah om kinken un” (Luka 24:46-49).

## **B. JESU VANA AKAH DEKA ATHUPIAKTE LAKKHAWM**

1. Gam teng a pai a Tanchinhoih puanzak ding.
2. Nam teng (Juda leh Jentel) kiang a gen ding
3. Huchi bang a a thugen uh gingtate kiang a kisikna ding leh khelh ngaihdamna ding thu gen pih ding.
4. Huai zoh Chiang a Pa leh Tapa leh Khasiangthou min a baptis ding.
5. Huchi bang a gingta baptisma tangte hotdam (nungzui a bawl) ahi ding uh.
6. Huaite kiang ah khantawn in khovel tawp pha in leng ka om zel ding achi.
7. Ahihhangin, gingta loup a baptisma tangte hotdam ahi kei ding.
8. Hiai Thupiak Lian (Thukhun Thak hotdamna lampi) nungzuite thilhihtheihna a tuam a (Khasiangthou piak a) a om ni ua pat zat ahi ding.
9. Jerusalem khua ah a kipan ding.
10. Huai hun ding nungzuite'n Jerusalem a a na ngak ding uh chih ahi (Nasepte 1:4).

## **C. THUPIAK THUPI (THUKHUN THAK) ZAT KIPATNA:**

Nasepte bung 2 ah Jesu'n Thukhun Thak zat hong kipat ding dan a genkhohh bangbang a a tangtunna i mu hi. Hiai anuai a Laisiangthou tang kipete Nasepte bung 2 ngen ahi.

## **THUKHUN THAK ZAT PAT NI**

1. Thukhun Thak zat pat ni Pentikost ni (tang.1)
2. Apostolte tung a Khasiangthou tung (tang.2-4)
3. Kha in a pausak bang zel a thugen uh (tang.4)
4. Jerusalem a mipi paikhawm (tang.5)
5. Nam tuamtuum 15 vel kikhawm uh (tang.9-11)
6. Apostolte thugen amau pau chiat a za uh (tang.6,8)
7. Pau tuamtuumte (tang.9-11)
8. Khasiangthou nasep lamdangsa a buaina (tang.12-13)
9. Peter in Tanchinhoih puangzakta (14-36). Hiai ni a kipan Thukhun Thak (Khristian Hun) kipanta.
10. Juda mipite'n Tanchinhoih za; a khelhnate uh kisik in, a lungtang uh tei a sut bang (tang.37).
11. Peter leh sawltak dangte kiang ah, “Bangchibang in ka hihta ding ua?” chi a dong uh (tang.37).

12. Peter dawnna: “Kisik unla, na khelhnate uh ngaihdamna ding in Jesu Khris min in baptisma tang chiat un; huchiin Khasiangthou piak na tang ding uh” (tang.38).
  13. A thu zui peuh in baptisma a tang ua, 3,000 khawng a pha uh (tang.41).
  14. Huchi bang a hihte hotdam ahi ua, Toupa’n niteng in a kiang uah (a saptuam ah) a behlap zel hi (tang.47).
-

### SINLAI 3-NA ETKHIAKNA

1. Anuai a thupiate kua kiang a piak ahi ua?

i) Long bawl ding (Gen. 6): \_\_\_\_\_

ii) Mosi Dan (Eksodas 20): \_\_\_\_\_

iii) Johan Baptisma (Matthai 3): \_\_\_\_\_

\_\_\_\_\_

iv) Huaptuam-nei Thupiak (Matthai 10; Marka 6; Luka 9 & 10):

\_\_\_\_\_

\_\_\_\_\_

v) Thupiak Thupi (Matthai 28; Marka 16; Luka 24) :

\_\_\_\_\_

\_\_\_\_\_

2. Dan lui leh Dan thak zat kop ahi ngei kei a, Dan piak peuhmah piak a omna hun a zat ahi uh. Athak a om nung in alui zat ahi nawn kei chih genchetna Laisiangthou mun 5 (nga) gelh in.

i) \_\_\_\_\_

ii) \_\_\_\_\_

iii) \_\_\_\_\_

iv) \_\_\_\_\_

v) \_\_\_\_\_

3. **Mun-awngte hihdim in:**

“Huchiin, \_\_\_\_\_ thu ah hiam, \_\_\_\_\_ thu ah hiam,  
\_\_\_\_\_ thu ah hiam, \_\_\_\_\_ thu ah hiam,  
\_\_\_\_\_ thu ah hiam, kuamah in hon \_\_\_\_\_ kei uhen; huaite  
thil hong tung ding \_\_\_\_\_ ahi a, a tak tuh \_\_\_\_\_ a’  
ahi” (Kol. 2: 16-17).

4. Baptispa Johan hong paina ziak pen bang ahia?

\_\_\_\_\_

\_\_\_\_\_

5. Johan baptisma leh Jesu thupiak a baptisma kibatlouhna bang ahia ?

\_\_\_\_\_

\_\_\_\_\_

**6. Adik pen anuai giit in:**

**Etsakna** - Jesu nu tuh (Hagar / Mari / Dorka) ahi.

- i) Huaptuam-nei thupiak tuh (Khristiante, Samari mite, Israel nam belum mangte) adia piak ahi.
- ii) Huaptuam-nei thupiak gen di'n Jesu'n nungzuite (7 vei /3 vei /12 vei) a sawlkhia.
- iii) Huaptuam-nei thupiak gen dia Jesu'n nungzuite a sawl in (7 zel/3 zel/nih zel /avek ua) ton di'n a sawlkhia.
- iv) Nungzui 12-te leh 70 a sawlkhiaakte thugen pen tuh (Kisik unla baptisma tang un / Van' gam a naita) chih ahi.

**7. Thupiak Thupi na zilna apan dawng in:**

- i) Kua piak ahia? \_\_\_\_\_
- ii) Bangchik a zat pat ahia? \_\_\_\_\_
- iii) Huai ni'n bangzah in a zui ua? \_\_\_\_\_
- iv) Kuate kiang a piak ahia? \_\_\_\_\_
- v) Bangtan daih dia piak ahia? \_\_\_\_\_
- vi) Hiai thupiak thak hun bang hun a kichi a?  
\_\_\_\_\_

**8. Rome 7:1-6; II Kor. 3; Gal. 4:21-30; Kol. 2; Heb. 7-te dungzui a Dan thupizaw tulel a zat ding tuh bang pen ahia?**

\_\_\_\_\_

**9. Thupiak Thupi (Thukhun Thak) dungzui a hotdam hihna ding kalbi 5-te gelh in.**

- i) \_\_\_\_\_
- ii) \_\_\_\_\_
- iii) \_\_\_\_\_
- iv) \_\_\_\_\_
- v) \_\_\_\_\_